



جدوال قمبراچاين خطبه جمعة سيري 2022 / 8

Bulan Ogos Tahun 2022

تاريخ	تاجوق	ب
5.8.2022M/ 7 Muharram 1444H	Hijrah Dirai Muallaf Disantuni	1.
12.8.2022M/ 14 Muharram 1444H	Jauhi Cinta Terlarang	2.
19.8.2022M/ 21 Muharram 1444H	Zakat: Keperluan Ummat Yang Ditohmah	3.
26.8.2022M/ 28 Muharram 1444H	Mensyukuri Nikmat Kemerdekaan	4.
خطبه كدوا		

فرچيتقن ديباياهي:



تليفون : 04-5498088



Jawatankuasa Panel Semakan Teks Khutbah Negeri Pulau Pinang

1. **SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
2. **Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
3. **Y.Bhg Dato' Rosli bin Othman**
Ketua Penolong Pengarah Kanan, Sektor Pendidikan Islam,
Jabatan Pendidikan Negeri Pulau Pinang
4. **Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
5. **Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
6. **Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
7. **Ustaz Subki bin Mohamed**
Pensyarah, IPG Kampus Tuanku Bainun
8. **Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Jauhi Cinta Terlarang

(12 Ogos 2022M / 14 Muharram 1444H)

الْحَمْدُ لِلَّهِ، غَافِرِ الذَّنْبِ وَقَابِلِ التَّوْبِ شَدِيدِ الْعِقَابِ ذِي الطَّوْلِ لَا إِلَهَ إِلَّا هُوَ إِلَيْهِ الْمَصِيرُ ﴿١﴾
(سورة غافر)
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ يُسَبِّحُ لِلَّهِ مَا فِي السَّمَوَاتِ وَمَا فِي الْأَرْضِ لَهُ
الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ ﴿٢﴾ (سورة التَّغَابُنِ)
وَأَشْهَدُ أَنَّ مُحَمَّدًا عَبْدُهُ وَرَسُولُهُ، الْبَشِيرُ النَّذِيرُ، وَالسَّرَاجُ الْمُنِيرُ،
صَلَّى اللَّهُ وَسَلَّم عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى آلِهِ وَأَصْحَابِهِ وَمَنْ تَبِعَهُمْ
بِإِحْسَانٍ إِلَى يَوْمِ الدِّينِ،
عِبَادَ اللَّهِ; اتَّقُوا اللَّهَ حَقَّ تُقَاتِهِ، وَاعْلَمُوا أَنَّكُمْ إِلَى اللَّهِ رَاغِبُونَ.

SIDANG JUMAAT YANG DIMULIAKAN ALLAH,

Saya menyeru kepada diri saya sendiri dan kepada sidang jumaat sekalian, marilah sama-sama kita bayangkan hari ini adalah hari terakhir kita di muka bumi Allah ini. Ayuh kita memperbaiki diri dengan meningkatkan keimanan dan ketakwaan kepada Allah **سُبْحَانَهُ وَتَعَالَى** yakni dengan melaksanakan segala perintah-Nya dan menjauhi segala larangan-Nya.

Sebelum melanjutkan bicara, dengarkanlah adab-adab mendengar khutbah berikut. Pertama, jangan berbual-bual. Kedua, jangan bermain telefon bimbit.



Manakala yang ketiga, jangan tidur dengan sengaja ketika khatib berkhotbah. Semoga ganjaran pahala yang besar mengiringi ibadah yang kita tunaikan semata-mata kerana Allah. Pada hari yang berkat ini, mari kita berikan sepenuh tumpuan kepada khutbah yang bertajuk: **“Jauhi Cinta Terlarang.”**

SIDANG JUMAAT YANG DIKASIHI ALLAH,

Apakah cinta yang terlarang? Yang dimaksudkan dengan cinta terlarang adalah cinta yang tidak mengikut landasan agama dan syariat Islam. Bagi seorang Muslim, cintanya yang paling utama adalah cinta kepada Allah dan Rasulullah. Kemudian cinta kepada makhluk terutama kepada ibu bapa, isteri dan kaum keluarga.

Banyak kita mendengar kisah cinta terlarang yang seolah-olah sudah menjadi budaya dalam masyarakat. Ini termasuklah cinta terlarang sesama jantina. Ingatlah firman Allah tentang cinta dan kasih sayang yang sebenar menurut syariat Islam seperti dalam surah Al Baqarah, ayat 223:

نِسَاؤُكُمْ حَرْثٌ لَّكُمْ فَأَتُوا حَرْثَكُمْ أَنَّى شِئْتُمْ وَقَدِّمُوا لِأَنفُسِكُمْ وَاتَّقُوا اللَّهَ وَاعْلَمُوا
أَنَّكُمْ مُلَاقُوهُ وَبَشِّرِ الْمُؤْمِنِينَ ﴿٢٢٣﴾

Maksudnya: “Isteri-isteri kamu adalah sebagai kebun tanaman kamu, oleh itu datangilah kebun tanaman kamu menurut cara yang kamu sukai dan sediakanlah (amal-amal yang baik) untuk diri kamu dan bertakwalah kepada Allah serta ketahuilah sesungguhnya kamu akan menemui-Nya (pada hari akhirat kelak) dan berilah khabar gembira wahai Muhammad kepada orang-orang yang beriman.”

Namun anehnya masa kini terdapat lelaki dan wanita yang cenderung untuk menyukai dan melakukan hubungan seksual dengan sesama jantina. Mereka ini adalah manusia-manusia yang telah terpesong dari fitrah yang sebenar. Cinta mereka telah beralih arah kepada cinta terlarang yang dimurkai Allah **سُبْحَانَهُ وَتَعَالَى**.



Terlupakah kita akan kisah Nabi Luth yang telah berdakwah kepada kaum-Nya yang homoseksual supaya meninggalkan tabiat yang melawan fitrah itu. Sangat besar akibat buruk dari hubungan cinta terlarang ini yakni dilemparkan mereka ke dalam neraka jahannam di akhirat kelak. Golongan ini tidak akan hidup dalam aman dan tenteram di dunia ini kerana dibenci orang ramai di samping terdedah kepada pelbagai bentuk penyakit yang boleh membawa maut.

MUSLIMIN YANG DIMULIAKAN ALLAH,

Sebagai ibu bapa yang bertanggungjawab, kita wajib menegur anak-anak sama ada lelaki atau perempuan yang mempunyai kecenderungan seksual yang bertentangan dengan fitrah kejadiannya. Hal ini sangat penting bagi menghindari budaya songsang yang tercela ini. Jika mereka masih engkar, wajarlah membuat aduan ke pihak berwajib atau mendapatkan khidmat kaunseling, mengikuti program yang dianjurkan untuk komuniti sebegini dan sebagainya.

Mereka perlu dibantu bukan disisihkan. Mereka juga dinasihatkan agar bertaubat selain menjauhkan diri daripada unsur-unsur budaya merosakkan kerana musuh Islam sentiasa berusaha menyesatkan umat Islam. Prihatinlah akan keadaan anak-anak lelaki kita yang tinggal di asrama dan berjauhan dengan kita. Sekiranya anak kita merasakan diri dianiaya secara seksual, kita boleh mengambil tindakan undang-undang kepada pesalah.

SIDANG JUMAAT SEKALIAN,

Jauhilah perbuatan yang membawa maksiat dalam kehidupan kita, sesungguhnya perbuatan yang mungkar akan mendapat azab yang dahsyat daripada Allah seperti yang ditimpakan kepada kaum Nabi Luth عَلَيْهِ السَّلَامُ. Negeri kaum Nabi Luth itu digoncangkan di bahagian atas ke bawah dan begitu jugak sebaliknya, lalu akhirnya negeri itu diterbalikkan. Allah سُبْحَانَهُ وَتَعَالَىٰ berfirman dalam surah Al Ankabut, ayat 28:



وَلُوطًا إِذْ قَالَ لِقَوْمِهِ إِنَّكُمْ لَتَأْتُونَ الْفَحِشَةَ مَا سَبَقَكُمْ بِهَا مِنْ أَحَدٍ مِنَ الْعَالَمِينَ ﴿٨٨﴾

Maksudnya: “Dan (ingatlah peristiwa) Nabi Luth tatkala ia berkata kepada kaum-Nya: “Sesungguhnya kamu melakukan perbuatan keji yang tidak pernah dilakukan oleh seorang pun daripada penduduk alam ini sebelum kamu.”

Akibatnya, mereka dihujani dengan batuan yang panas seperti bara api secara bertubi-tubi menimpa mereka. Allahu Akbar! Sangat dahsyat balasan Allah terhadap kaum yang hanya mengikut hawa nafsu yang terdorong oleh hasutan iblis dan syaitan. Kisah ini diceritakan dalam surah Al A’raf ayat 84:

وَأَمْطَرْنَا عَلَيْهِمْ مَطَرًا ۖ فَانْظُرْ كَيْفَ كَانَ عَاقِبَةُ الْمُجْرِمِينَ ﴿٨٤﴾

Maksudnya: “Dan Kami telah menghujani mereka dengan hujan (batu yang membinasakan). Oleh itu, lihatlah bagaimana akibat orang-orang yang melakukan kesalahan.”

SIDANG JUMAAT YANG DIRAHMATI ALLAH,

Zaman yang penuh pancaroba dan cabaran ini, menuntut kita semua supaya menjadi hamba Allah dan ahli masyarakat yang sentiasa mengambil berat diantara satu sama lain. Seorang ibu mestilah sentiasa peka dengan perubahan anak-anaknya.

Malah, setiap anggota keluarga dan ahli masyarakat mesti menggembleng tenaga dan bersatu membanteras segala gejala maksiat kepada cinta terlarang sesama jantina ini. Jangan sesekali berputus asa untuk berusaha dengan apa jua cara dan mendoakan agar ahli keluarga atau orang terdekat yang diuji sedemikian untuk kembali kepada fitrah.

Antara usaha yang dapat dilakukan adalah:

Pertama: Kita wajib menegur dengan berhikmah setiap hubungan terlarang sesama jenis yang terlihat di hadapan mata kita.

Kedua: Kita perlu memberi sokongan moral, kaunseling serta nasihat dan bimbingan kepada mereka yang sudah terjebak dengan amalan tidak sihat dan menyalahi syariat ini.

Ketiga: Kita mesti mengambil langkah-langkah segera bagi mencegah perbuatan-perbuatan maksiat dari terus melarat. Keturunan kita dapat diselamatkan dari awal sekiranya sejak kecil kita memupuk mereka dengan nilai-nilai Islam, memantau pergaulan mereka sebaiknya dan hidup dalam *biah Islamiah*. Misalnya, melarang lelaki berpakaian seperti perempuan atau perempuan yang menyerupai lelaki.

أَعُوذُ بِاللَّهِ مِنَ الشَّيْطَانِ الرَّجِيمِ
وَلَوْ أَنَّ أَهْلَ الْقُرَىٰ ءَامَنُوا وَاتَّقَوْا لَفَتَحْنَا عَلَيْهِم بَرَكَاتٍ مِّنَ السَّمَاءِ وَالْأَرْضِ وَلَٰكِن كَذَّبُوا فَأَخَذْنَاهُم بِمَا كَانُوا يَكْسِبُونَ ﴿٦٦﴾

Maksudnya: “Dan (Tuhan berfirman lagi): Sekiranya penduduk negeri itu, beriman serta bertakwa, tentulah Kami akan membuka kepada mereka (pintu pengurniaan) yang melimpah-limpah berkat-Nya, dari langit dan bumi. Tetapi mereka mendustakan (Rasul Kami), lalu Kami timpakan mereka dengan azab seksa disebabkan apa yang mereka telah usahakan.”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي هَذَا ، إِنَّ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن اوکوس

2022M/ 1444H

الْحَمْدُ لِلَّهِ عَلَى الْآلَاءِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُجَّتِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نَبِيِّ الْبَشَرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.



اللَّهُمَّ وَفَّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرَّيَاءَ، وَالرَّبَا وَالرَّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً
يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجَذَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.



Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٦﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ
عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٧﴾